

Hysbysiad Preifatrwydd Ychwanegol ar gyfer Cleifion yn ystod Covid-19

Mae GIG Cymru yn wynebu pwysau sylweddol oherwydd pandemig Covid-19, ac mae camau'n cael eu cymryd i reoli ac atal lledaeniad ac effaith achosion. I wneud hyn, rydym yn gweithio'n agos gyda sefydliadau iechyd a gofal eraill i ddarparu'r gwasanaethau sydd eu hangen ar bobl mor gyflym a hawdd â phosibl. Yn yr argyfwng presennol, mae wedi dod yn fwyfwy pwysig rhannu gwybodaeth am iechyd a gofal ar draws sefydliadau perthnasol fel y gallant eich cefnogi'n well yn wyneb yr achosion hyn.

Mae'r gyfraith bresennol sy'n caniatáu i wybodaeth bersonol gael ei defnyddio a'i rhannu'n briodol ac yn gyfreithlon mewn argyfwng iechyd cyhoeddus yn cael ei defnyddio yn wyneb yr achosion hyn. Mae prosesau diogelu data ar waith i'n galluogi i ddarparu'r wybodaeth gywir ar gyfer y sefydliadau cywir er mwyn sicrhau bod modd rhoi gwasanaethau priodol ar waith wrth i'r achosion hyn ddatblygu. Byddwn yn sicrhau bod unrhyw wybodaeth sy'n cael ei chasglu, ei defnyddio neu ei rhannu'n cael ei thrin gyda'r dulliau diogelu priodol, a'i bod yn destun rheolyddion llym sy'n bodloni gofynion deddfwriaeth diogelu data.

Gall sefydliadau y gallwn rannu eich gwybodaeth gyda nhw gynnwys y rheiny sydd yn GIG Cymru, Llywodraeth Cymru, gwasanaethau gofal cymdeithasol, awdurdodau lleol a'r rheiny sydd yn y sectorau gwirfoddol a phreifat sy'n darparu gwasanaethau hollbwysig i gefnogi iechyd a gofal. Er enghraifft, efallai y bydd angen i ni roi gwybod i'r sefydliadau hyn os ydych yn un o'r bobl a fydd angen cymorth ychwanegol e.e. os ydych yn y grŵp o bobl sy'n fwy agored i niwed oherwydd y firws gan fod gennych broblemau iechyd.

Rydym am roi sicrwydd i chi mai dim ond os bydd gwir angen gwneud hynny y caiff unrhyw wybodaeth sy'n rhan o'ch cofnod iechyd ei rhannu er mwyn darparu'r gofal gorau ar eich cyfer. Er enghraifft, efallai y bydd angen i ni rannu eich gwybodaeth gyda phractisau meddygon teulu cyfagos, ysbytai, a fferyllfeydd cymunedol er mwyn eu galluogi i roi triniaeth i chi.

Mewn amgylchiadau lle byddwch yn rhoi gwybod i ni eich bod yn cael symptomau Covid-19, efallai y bydd angen i ni gasglu gwybodaeth benodol am eich iechyd. Lle bo angen i ni wneud hynny, ni fyddwn yn casglu mwy o wybodaeth nag sydd ei hangen. Bydd gofyn i ni rannu hyn a hyn o wybodaeth at ddibenion amddiffyn iechyd y cyhoedd a monitro a rheoli'r achosion.

Bydd unrhyw wybodaeth sy'n cael ei defnyddio neu ei rhannu yn wyneb achosion Covid-19 yn cael ei chyfyngu i gyfnod yr achosion newydd. Mae'r camau cyflym hyn yn cael eu cymryd oherwydd yr achosion presennol o Covid-19.

Sylwer: Efallai hefyd y bydd yn cymryd mwy o amser i ni ymateb i Geisiadau am Hawliau Unigol tra byddwn yn canolbwyntio ein hymdrechion i ymateb i'r achosion. Gofynnwn â phob parch, os nad yw'ch cais am wybodaeth yn un brys, i chi ystyried p'un a allai eich cais am wybodaeth aros.

Os bydd gennych unrhyw ymholiadau pellach / neu os hoffech ragor o wybodaeth, cysylltwch â ni yn BCU.DPO@wales.nhs.uk

Mae'r ddolen ganlynol yn darparu rhagor o wybodaeth am [Reoliadau'r Gwasanaeth Iechyd \(Rheoli Gwybodaeth am Gleifion\) 2002 \(COP1\)](#). Mae rhagor o fanylion ar gael ar wefan ICO am [Ddeddf Diogelu Data 2018](#) a [Rheoliad Diogelu Data Cyffredinol 2016 \(GDPR\)](#) neu ewch i [hwb gwybodaeth ICO am Ddiogelu Data a choronafeirws](#)

Efallai y byddwn yn diwygio'r hysbysiad preifatrwydd hwn ar unrhyw adeg felly dylech ei adolygu'n rheolaidd
- Fersiwn 1 - 25 Ebrill 2020